


叢書集成三編 第八五冊目錄

史地類



帝后總傳

烈皇小識八卷(下)自卷四至八

明末遺民著

明季稗史

〇八五 〇〇一

總傳雜錄

續吳錄二卷附續吳先賢讀後序

明 劉鳳撰

劉侍御中圖

〇八五 一〇九

虞山妖亂志二卷附後一卷

清 馮舒撰

說庫

〇八五 一七九

聖賢別傳

孔孟年表二卷

清 林春溥撰

竹柏山房

〇八五 一九七

孔門師弟年表附後說一卷

清 林春溥撰

竹柏山房

〇八五 一九九

孟子時事年表一卷附後說一卷

清 林春溥撰

竹柏山房

〇八五 二一四

孟子外書補證一卷

清 林春溥撰

竹柏山房

〇八五 二二五

學術家別傳

黃漳浦年譜二卷附黃漳浦集卷首

明 莊起儔編

黃漳浦集

〇八五 二三七

梨洲先生世譜一卷前附像贊後附神道碑、傳、年譜

清 萬斯大撰

梨洲遺著

〇八五 三一一

尊道先生年譜一卷

清 薛鳳昌編次

陸桴亭台

〇八五 三三五

桴亭先生行狀行實一卷	清	凌錫祺編	陸桴亭台	大	〇八五	三七一
習齋先生年譜二卷	清	李塉纂 王源訂	顏李		〇八五	三八七
恕谷先生年譜五卷	清	馮辰纂 惲鶴生訂	顏李		〇八五	四三三
顏習齋先生言行錄二卷	清	李塉撰	顏李		〇八五	五一九
長山公自書年譜一卷	清	黎安理撰	黎氏中研所		〇八五	五五一
冒巢民徵君(震)年譜一卷補一卷	清	冒廣生撰	冒氏台	大	〇八五	五七一
望溪先生年譜一卷附錄一卷	清	蘇惇元撰	望溪		〇八五	六一三
雙池先生年譜四卷	清	余龍光撰	汪雙池中研所		〇八五	六四九
段玉裁先生年譜一卷	清	劉盼遂撰	段王學		〇八五	七四一
高郵王氏父子(念孫、引之)年譜一卷	清	劉盼遂撰	段王學		〇八五	七七一
容甫先生年譜一卷	清	汪喜孫撰	江都汪氏台	大	〇八五	七九九



烈皇小識

下

烈皇小識卷之四

癸酉應天鄉試論題聖心如日明水清題卷多用
青山綠水等句皆性理中語也上閱之大駭又
御筆塗出文理紕繆者八卷以禮部不行糾駁
回奏反行曲庇尙書李康先閑住主考庶子丁
進降調舉人李榛王佩等停革有差

烏程倡論行取知推考選館員於是徐開禧胡守
恒張居賴垓林增志王用子梁兆陽郭之祥李
仕淳李景濂魯元寵薛所蘊等十三人考授編

烈皇小識

卷四

修簡討等官十二月十九日始命下又考選徐
耀范淑泰之麒宋學顯辜朝薦葉向標荆可棟
李汝璩商用初等爲給事中鄧鉉張肯堂張纘
魯劉呈瑞張孫振等爲御史其改授者張孫振
擬兵部而上改御史鄭爾說擬御史而上改刑
部爾說曾疏泰溫王二輔者也

崇德知縣龔立本考選授兵馬張孫振爲歸安知
縣係烏程父母官有粵援囚拉龔同營捷徑先
是龔夢有人言他日有張姓者邀與同事慎勿

預至是龔果辭張遂由他途改換御史

溫體仁烏程籍歸安人王應熊巴縣人同惡相濟
吳宗達奉行兩人意旨毫無短長時目爲殘片
適禮部尙書黃士俊丁未狀元左右侍郎孔貞
運陳子壯已未榜眼探花京師爲之語曰禮部
重開天榜狀元榜眼探花有些惶恐黃孔內閣
翻成妓館烏歸王已殘片總是遭瘟溫一時傳
以爲笑雖云出輕薄少年手然赫赫師尹而令
人鄙夷至此其生平亦可見矣

烈皇小識

卷四

二

是年正月降賊王剛王之臣等至太原挾賞巡撫
戴君恩誘剛等斬之王之臣卽豹五也而岢嵐
大盜高嘉計號險道神者尤橫會山陝大旱飢
民投賊者甚衆南賊自鄖陽薄穀城掠新楚光
化襄陽一時六路賊俱集官兵大不能支賊遂
圍均州掠荆門景陵陷房縣及保康

陝西賊陷洵陽西鄉土寇乘之漢中震動賊遂連
陷紫陽平利白河圍興安兵倚王在臺固守適
洪承疇赴援乃退破鳳縣

二月特設五省總督以延綏巡撫陳奇瑜爲之去歲廷議流賊孔熾擬特設總督共推兵部侍郎汪慶伯慶伯不欲往烏程力庇之遂止不設至是始設用奇瑜受命檄諸將會兵于陝州賊在漢南者爲土人所拒乃趨夔州入四川矣上發帑金五萬兩命御史梁炳賑濟山西山陝自去秋八月至是不雨大饑人相食永寧州民蘇倚哥至食其父母

張應昌兵敗于均州賊還屯勛陽之黃龍灘分三

烈皇小識

卷四

三

股一徧陽一趨浙州一趨廬氏時調寧遠邊兵勦賊加副將張外嘉爲總兵統之行之中途餉不時給遼丁直闕至帳下外嘉撫馭無術遂遇害遼丁結隊潰入流賊營中

四川賊復入陝陝兩當鳳縣將由陽平關渡河趨鞏昌洪承疇追至成縣見賊勢方盛乃檄副總兵賀人龍劉成功等統兵赴藍田夾擊賊南奔潰中承疇令斷棧道據守雞頭關賊不得前從間道犯城周洋縣官兵禦却之南犯川中而川

兵復扼守諸險賊首李自成張獻忠等坐困于漢中之車箱峽會連雨二旬餘賊饑無所得食賊馬乏芻死者過半弓矢俱脫指日束手就擒矣李自成等大窘乃求撫密遣人賄奇瑜每撫一名納銀五十兩奇瑜利其賄許之凡降賊三萬四千有奇勒令還鄉仍歸原籍檄諸軍按甲無動每百人以一安撫官押送所過郡邑爲具糗糧傳送之旣度棧道出諸險口至草涼樓地方一夜衆賊盡縛諸安撫官或殺或割耳或杖責或縛而擲之道旁攻掠寶雞麟游等處始縱橫不可制矣

烈皇小識

卷四

四

七月陝西賊陷文縣官兵逐之東走綢峪川遂陷同官旣而走鳳翔趨汧陽隴川初賊之甫叛也猝至鳳翔西關口稱奉督撫檄安插城內守臣知其詐給以門不敢啟須絕上城先登三十六人盡殺之總督陳奇瑜因借爲辭劾地方官紳撓債撫局以激上怒於是知縣李加彥紳衿孫鵬等皆逮問下獄

洪承疇知降賊復叛統兵進勦至岐山賊衆大至承疇兵僅三千張疑設伏賊遂趨耀州時漢中兵三千四百有奇總兵左光先等將之臨鞏兵三千五百總兵孫顯祖等將之平涼兵二千副總兵艾萬年將之止可城守總兵張全昌等統兵六千專視賊所向以爲援勦是時猖獗甚烽火直徹于耀州富平三原涇陽叛兵楊國棟擁三千騎披雙鎧直抵西安城下乞撫巡按范復粹不敢應巡撫練國事在鄠縣聞之馳還登南城檄國棟至語一日未決度不受撫必西走盩厔密檄沿途官兵飭備更設伏于盩厔之夾水溝時禾茂泥淖騎不任馳伏發殲其半一賊斬國棟以獻餘入終南山賊混世王等從鳳翔東趨欲犯西安洪承疇一夜馳入西安檄諸路兵赴西安合擊之賊至西安東境官兵以力疲不能出承疇恐賊東出潼關先令張全昌曹變蛟間道趨渭南遏其前而自帥兵駐潼關紅鄉溝賊至游擊李効祖柏永鎮力戰賊却不得入關

烈皇小識

卷四

五

因登玉山承疇馳赴藍田欲從山後問道勦之賊懼夜走商南初老回同等先據維南山中今又益以諸賊共阻險自守承疇帥諸將駐潼關大峪口以防其出仍飭備關鄉靈寶等處閏八月關西賊陷隴州屯城中浹月參將賀人龍勦之賊圍之數重十月承疇遣左光先等援之圍始解而西走之賊陷靈臺及崇信白水又至涇州是時北至慶陽西至鞏昌西北至邠州永壽西南至盩厔郿縣遍地皆賊衆殆二十餘萬陳

烈皇小識

卷四

六

賊寧殺知縣趙濟昌適承疇至西走乾州十月
左光先擊自成於高陵富平間斬首四百餘級
自成佯求撫于監軍劉三顧真寧知縣王家水
遽出城招撫失其印三顧即登陴拒守自成乃
奔邠州張獻忠伺自成陷澄城轉掠平涼闖入
月自成先鋒高傑降于副將賈人龍
七月邠陽撫治盧象昇勦竹山竹谿諸賊連戰斬
北百餘級復敗之于峽石墮崖及投水者又千
餘人

烈皇小識

卷四

七

十二月進洪承疇兵部尙書總督五省先是西寧
兵變兵備孔閑繕閣室自焚承疇還師定亂賊
遂陷隴州汧陽西寧既定承疇整師而東賊悉
聚東奔分道盡入河南集汝雒間左良玉軍池
池總兵陳永福令鄧玘軍南陽

八年乙亥正月下吏部左侍郎張捷于獄張捷自
薦呂純如之後倚烏程爲奧援乞休疏凡三十
二上皆溫旨不允疏內嗃嗃狂吠無復顧忌最
後奉旨張捷佐計在邇着卽出供職正擬于計

典肆其兇鋒而適有御史劉宗祥之疏先是宗
祥巡按四川成都知縣賀儒修者張捷姻也捷
特作東託宗祥欲得卓異一舉華陽一調未又
有忠言不入朝事日非等語宗祥入川儒修展
籍甚者宗祥不能諱據實糾劾有旨革職逮問
捷大還恨時宗祥同道考核捷一力把持擬加
重譴宗祥與疏剖辨以捷手書上聞宗祥甫投
疏還過太常少卿祝世美告之故世美力止以
爲不可急趨會極問取索原疏則以封進御前

烈皇小識

卷四

八

矣次日旨下張捷革職提問後都察院擬宗祥
降三級調外任御筆批劉宗祥着回道管事
二月流賊犯鳳陽焚燬皇陵報至傳輟經筵是日
十二正當開講也百官皆角素九卿上慰安公
疏二十四日乙巳上御布袍慰祭太廟二十六
日丁未廷遣付馬都尉王曷慰告皇陵百官俱
布服從事下詔罪已減膳撤樂隨命逮鳳陽巡
撫楊一鵬巡按吳振纓下之獄振纓者烏程幕
客也在臺中七年規避不差及甲戌臺中沸然

謂此番吳再規避當上公疏以正臺規振纓不
得已乃就差次應得貴州胡平運應得鳳陽振
纓挾以烏程之勢請以貴州易鳳陽蓋鳳廬淮
揚素稱瘴地又與浙江鄰近平運因壓于烏程
從之至是以陵寢失事同一鵬被逮一鵬正法
振纓以烏程力庇僅從遣戍然烏程爲振纓所
哀大瑞屈膝者再閱體皆掃地矣

又楊一鵬者筮仕成都府推官遊蛾眉山有狂僧
踞佛座睨楊而笑曰汝猶記下地時行路遠啼

烈皇小識

卷四

九

哭數日夜吾撫汝頂而止耶楊追憶兒時事大
驚異曲致禮焉因留同宿耳語達旦臨別囑曰
二十年後當會汝于淮上及是楊開府淮安一
日薄暮有野僧擊鼓稱我眉山萬世尊寄書發
函得絕句詩七首急索寄書僧已不知所往矣
未幾流賊犯鳳陽焚祖陵楊坐失事論死其詩
始傳于世其詩云謫向人間僅一週而今限滿
恐難留清虛有約母相負好覓當年范蠡舟其
二云業風吹破進賢冠生死關頭着脚難六百

年來今一遇莫將大事等閒看其三云浪遊生
死豈男兒教外真傳別有師富貴神仙君兩得
尙牽羈鎖戀狂癡其四云難將蟒玉拒無常勲
業終歸土一方欲問後來神妙處碧天齊擁紫
金光其五云頒來法旨不容違仙律森嚴敢洩
機楚水吳山相共聚與君同跨片霞飛末二首
不傳萬世尊卽前狂僧也密語受記楊之子稍
向人吐露楊聞而訶之臨刑神氣如常時預知
定數不可違也事頗怪并附記

烈皇小識

卷四

一

先臣上皇陵震動疏略曰頃者流賊不靖乃致侵
犯皇陵焚燒禪殿則真古今未有之奇變君辱
臣死之秋也顧不亟滅賊無以洩神人之憤而
不追溯亂源亦無以施勘定之功天縱神明如
皇上勵精求治如皇上而紛紜恒擾寇盜相尋
斯其說在易之蠱矣蠱之敗壞必易世而後見
故文皆以幹蠱爲辭明前人養其疾至後人始
受之也皇上御極于乾剛解紐國步幾危之日
一番振滌日月重光深得先甲之維新而于後

甲之丁寧似稍略焉蓋戊己之際廢籍諸臣景
征連茹而謀國罔效邊疆失事以致聖衷懷疑
羣邪何隙沿至於今繆種漸芽蔓延滋長孤陽
時翳于陰曖砥柱莫挽于狂瀾魍魎或嘯舞于
離明狐鼠且縱橫于城社逆氣足以召逆妖氛
足以成妖此致亂之原也堂陛之地欺猜愈深
朝野之間刻削日甚精神蹙靡勢之懷土子嗟
束濕之困商旅咨歎百工失業木猶全盛之海
宇忽見無聊之景色此又致亂之源也邊事既

烈皇小識

卷四

三

壞修舉無謀兵不精而自增餉隨兵而日益餉
則賦重賦重則刑繁復乘之以天災加之饑饉
饉而守牧惕功令之嚴畏參罰之峻不得不舉
鳩形鵠面無食無衣之赤子而笞之禁之使愁
苦之氣上薄於天皇上帝上雖有郵民惠下之德意
而九重邃密何由得聞下民無知直謂有司仇
我虐我今而後得反之也此又致亂之源也將
無紀律兵無行伍淫污殺劫慘不可言尾賊而
往莫敢偕臂所報之級半是良民民間遂有賊

兵如梳官兵如櫛之謠民安得不爲盜盜安得
不日繁此又致亂之源也且此亂源而當事諸
臣不能憂國奉公反躬省己加膝墮淵總由恩
怨張羅布網費盡機關試觀數年以來所爲整
綱肅紀者何事推賢用能者何人安內攘外者
何道富國強兵者何策卽如流賊一事飄忽已
久既失一夫當關之事縱虎出林復悞各撫分
鎮之謀教猱升木今日廟社怨恫幽明胥痛國
事至此諸臣之肉豈足食乎凡食君之祿擔君

烈皇小識

卷四

三

之爵者皆當伏鐵鎖之誅膺放流之典固非角
素盈朝可以塞責慰安一疏可以畢事者也在
皇上宜赫然一怒以安天下發哀痛之詔明罪
己之懷按失事之誅正悞國之罪行撫綏之實
蠲明問之積逋使豈弟循良民得專意于牧明
徐議財源之濬無徒竭澤之魚盡斥患得患失
之鄙夫廣集羣策羣力以定亂蠱之象曰振民
有德蓋振取蕩滌之義育爲有補救之方若復
養癰不決弛瑟不張俞弗無聞而但云有旨矣

方地既極而尙言戴罪立功忽忽悠悠將安底止哉奉旨本內追溯亂源亟圖妙算殊屬剴切併理財用人等事該部悉心籌畫以備採擇

三月陞盧象昇兵部左侍郎總督五省軍務賜尙方劍統關遼兵勦東南賊洪承疇勦西北賊陞山東巡撫朱大典總督漕運巡撫鳳陽同象昇協勦遼河南巡撫元默以陳必謙代之

復召大學士何如寵堅以疾請允之東閣直房前第一間爲首輔所居若未正首輔之稱者雖次

列里小議

卷四

五

敘第一不敢居也桐城再召疏辭不允勉強就道至臨淮復以病堅辭始蒙俞允烏程竭力邀首輔之稱不可得端陽閣臣例有賜饌大璫傳諭口稱首輔烏程卽開首輔之室居之

七月二十六日皇上闕門偏召羣臣試以票擬先臣以病不能出倪庶子元璐無病而亦不出三十日旨下吏部取姜逢元陳子壯先臣張至發蔡奕琛張元佐閔仲儼馬之驥張居九人履歷次日廷推林鈺孫慎行劉宗周三人開票再推

幾員來看越三日御筆批兵部馬上差人召來七月二十六日奉旨文震孟劉張至發俱陞禮部左侍郎兼東閣大學士卽行入閣與首輔體仁等協同辦事閣中初票禮部尙書御筆批禮部左侍郎眞特達之知也二十八日上辭疏二十九日旨下八月初二日復上辭疏午上而旨未刻卽下次日卽宣聖諭盡徹各鎮監視內官其有共己以聽之意先臣欲堅以病辭香山力止以爲不可遂于十三日而恩入閣辦事

卷四

卷四

一

罷各鎮監視太監諭曰朕御極之初撤還內鎮舉天下事悉以委之大小臣工比者多營私圖罔恤民艱廉謹者又迂疎無通論已已之冬京城被攻宗社震驚此士大夫負國家也朕不得已用成祖監理之例分遣內臣監視添設兩部總理雖一時權宜亦欲諸臣省咎引罪今經制粗定兵餉稍清諸臣應亦省改其將總理監視等官盡行撤回以信朕之初心張彝憲侯漕竣卽同監供職惟關寧密邇奴寇高起潛着削去總

監字樣督理如故

先臣供事日講上甚屬意宮中嘗言文震孟到閣中到好只是他還是板金繅時先臣官少詹止四品也烏程偵知之年終講官應敘勞題陞先臣應陞正詹烏程寢閣不題傳祭酒冠應陞正詹仍陞少詹阻遏後進亦已甚矣六月至八月烏程大病不能起上乃點用烏程使烏程不病此舉不可幾也

時聖恩深重捐軀莫能圖報而爾時天下事

以建八載

卷四

三

實有不可爲者政府之事權日輕貂璫之盤踞已久能盡削之以歸中書乎疆場之飭備無期內地之流毒愈熾誰爲宗岳之選乎真小人張弧以伺我隙僞君子甘言以售其奸能一一燭照之俾勿墮其網乎雖欲佐聖天子以轉移天下將安從措手也竊爲先臣計不若堅以病辭使聖天子知能辭宰相者惟先臣一人耳宋神宗論溫公辭樞密曰若他人雖迫之使去亦不肯矣惜乎香山諸公見

不及此也

上爲流寇事於二十一日召閣臣及府部科道官平臺對面諸臣各有敷陳先臣奏今調官兵勦賊本以爲衛民也乃官兵不能勦賊反以殃民以致民間有賊兵如梳官兵如櫛之謠今惟嚴申號令凡兵丁擾害民者必殺無赦將官能鈐束兵丁秋毫無犯監軍御史立刻奏聞破格優擢上曰卿說得是又召八門內先臣奏民間團聚村堡正人自爲守家自爲戰之意官兵不得

須臾小載

卷四

六

以索糧爲名到處騷擾以致流賊亦冒牧官兵混入村堡欲堵禦之則虞以殺傷官兵致干法網欲拱手聽之則子女玉帛聽其捆載而去民害何由得除寇氛何由得靖臣意請天語申飭今後凡官丁所過地方官預備糗糧勿得以惡草塞責違者參處兵丁亦不許入村堡違者聽民間堵禦將官不得縱故五府中某有言此不可行者先臣復相辨折時跪奏良久上曰先生起來稱先生亦異數也

故事新參入直後以名帖同禮帖致意大瑞大瑞亦以名帖禮帖至意此舊規也先文肅出特簡入政府此例遂廢大瑞曹化淳係王安名下素附正人疑先文肅有意外之託王安之姪中書某轉致同人且盛稱曹瑞皈依先文肅之意又云若循例往來外廷惟所欲爲大瑞無不奉命同人以告先文肅堅持不可曰極大瑞之力使我不爲宰輔耳不爲宰輔於我何損而名帖旣入此辱豈能洗耶同人乃止曹瑞久不見復以

烈皇小識

卷四

七

爲大恥遂與烏程比而呼吸相應先文肅頓失聖眷蓋由于此

烏程於內廷凡有執事人員極小者節中俱有禮相候掌印及秉筆者又不必言先文肅乃孤行一意如此欲久居揆席得乎

先文肅壬戌廷試大瑞王體仁以御批第一持名帖報喜舊例以晚生帖復之先文肅語其人曰我新進書生不知回帖怎麼寫今姑以原帖奉復蓋甫進卽與內奄抗尊桂之性老而彌竦如

此

時杭州解到龍段三萬匹內奄索賄不遂鴟言不中用令票旨駁還先文肅與烏程言龍段雖云不堪御用然以充賜資難賞似亦無妨况三萬匹入京不知費民財幾十萬若行駁還復造以進民不堪命矣明主可以情告宜出一揭爲杭民請命乞行暫收以後不以不堪者塞責烏程不可票旨盡數駁還後徵之數年始克補解

總兵曹文詔以勦賊陣亡奉有卹典其子曹變蛟

烈皇小識

卷四

二

任副總兵有謝恩疏閣票者再四仍發出改票御筆將奉卹典月日及上疏月日各加一點問臣咸不解其故後數日烏程入直反覆良久曰得之矣乃卹典之旨尙與謝恩疏日月不相應蓋變蛟託人在京幹當遂旨後隨卽具疏卽漢昭察霍光之明也乃票旨詰問其故次日卽下先文肅謂烏程亦有小才謂此

浙江提學僉事黎元寬以文體事僣革元寬出揭盡發烏程囑託諸私事謂執法不阿烏程修怨

所致御史姜思庵揭具疏參論給事中姜應
甲助之思睿疏有爲代草者事頗洩烏程乃得
預爲地上果主先入之言欲加降處屢發改票
先文肅與香山竭力調護得免

九月部推操江正爲太僕寺卿張元佐光祿寺卿
王道直陪上名對於暖閣元佐勦拾陳言率爾
殊甚道直兢兢言不能出口上點用道直後四
年己卯浙江巡按題涂必泓雲南巡按題王範
上亦召對必泓條奏兩浙利弊甚急上改王範

列聖八議

卷四

二

巡按浙江必泓巡按雲南蓋聖意用人不測如
此

十月上以流賊未平震驚陵寢特頒聖諭避正殿
撤樂減膳以初三日始居武英殿百官俱宿公
署閣臣俱宿于朝房詔曰朕以淳德繼承大統
不期倚任非人邊虜三入流寇七年師徒暴露
黎庶顛連國帑匱絀而徵調未已閭閻凋敝而
加派難停中夜思維不勝愧憤今年正月流氛
震驚皇陵祖祠民仇罪實在朕今調邊兵留新

餉立救元元務在此舉惟是行間文武吏士勞
苦饑寒深切朕念念其風餐露宿朕不敢獨臥
重幃念其飲水食粗朕不敢獨享甘旨念其披
堅冒險朕不敢獨衣文繡茲擇十月三日避居
武英殿減膳撤樂非典禮事惟以青衣從事與
我行間文武吏士共甘苦之以寇平之日爲止
文武官其各省過萍厲用回天心以救民命
七日上御筆起用黃道周十日上御筆放王應熊
此兩日烏程皆以待罪不入直而十日嘉善香

列聖小識

卷四

三

山皆以暫假不入惟先文肅與輜川司稟擬說
者謂巴縣之放先文肅實爲之由是忌者益耽
耽不能旦夕容矣

給事中許譽卿削籍爲民福建右布政申紹芳革
職法司提問譽卿由壬戌考選歷任工科都給
事中計今十四年資俸俱極深以母老欲得南
京太常少卿以便迎養同人俱不可德州遂欲
題陞南缺先文肅愠甚語侵德州過當德州懷
恨適臺省同時攻德州及總憲許公謂必須舍

德州而專攻總憲蕭總憲與烏程朋比肆惡尤不可緩戶科姚思孝業具彈章以德州總憲並列以許公言遂去德州德州稍稍相忘矣而御史張纘曾不通商確特疏獨參德州張寓與許比鄰德州疑此疏出先文肅及許公意又山東左布政勞永嘉輦金六萬兩主兵科宋之普家營陞登萊巡撫已入啟事矣勞故三案漏網諸臺省擬合力以攻之德州三過戶科宋學顯曲致殷勤求諸君稍徐之候旨下而攻之未晚蓋

旨既下則前金可分享也又曰勞公之勞座卽申公之座也申係寒家嫺戚時以右布政資表入都瓜期已及蓋直以此相而臺省竟不能待交章連牘有旨登撫著另推而東省諸人又無不懷恨矣宋之普力從德州謂先文肅決不相容自當以銓席待南冢及大司農豈能久留汝耶德州已心動適又值張纘曾之疏以之普語爲信然遂具疏參譽卿與紹芳坐以爭官講缺而參紹芳中有憑藉與援等語閣中相顧錯愕

嘉善謂爭官須有實跡當令同奏不應烏程票而悍然搶去票旨云大千法紀著降級調用夫旣云大千法紀矣而僅僅降調乎次日果改票著削籍爲民先文肅力爭之不能得乃言科道爲民極榮之事敬謝老先生玉成之又二日旨下譽卿爲民紹芳提問

十一月大學士何吾騶與先臣同罷許給事譽卿復有去國一疏參烏程烏程辨疏卽參先文肅卽指前爲民極榮之語謂皇上所以鼓勵天下

者止有此爵祿位號而文某乃云云以股肱心膂之臣爲此悖倫滅法之語曰悖曰滅蓋深以激聖怒也上覽之果怒有旨吾騶震孟不宜徇私撓亂疏未及吾騶而旨突及之知烏程所以相中者非一朝一夕之故矣吾騶與先臣俱具疏引罪再疏吾騶奉旨着致仕去先臣奉旨着冠帶閒住去

下庶吉士鄭卿于錦衣獄鄭爲壬戌庶吉士建言蒙譴林居亦十四年矣與嘉善皆出華亭之門

稱先後同門鄭之得館選也宜興口誅筆罰不少寬假鄭心怒之辛壬之際攻擊宜興烏程者甚重鄭因昌言宜興決不可留而烏程實可大用言路不當並攻嘉善心善其說既入政府卽力譽鄭於烏程烏程唯唯嘉善郵寄鄭書謂當急來吾致于情于烏程矣鄭復寄訊先文肅先文肅力阻其來鄭反有愠心以文肅之相爲不如嘉善也至是赴京補官嘉善復言于烏程謂某已來是人可備老先生藥籠中物當以館職

烈皇小識

卷四

三

界之烏程復唯唯武進舊輔鄭族母舅也力毀鄭於烏程烏程信之適時烏程新逐香山與先文肅長安閱然不平其事鄭亦隨衆持憤激之論烏程偵知之謂鄭特假語以欺嘉善耳遂具疏糾鄭疏成語嘉善曰今爲鄭某事具疏當與老先生同題嘉善欣然及取視則糾其杖母事嘉善面赤股栗不能出一詞烏程冷笑曰固知老先生不願預也遂獨具名以進上方欲以孝弟風勵天下覽疏震怒下鄧于錦衣獄杖母者

鄭爲孝康時父振先私寵一婢爲嫡吳氏所虐振先與子謀假凡先以休之吳氏懼甚願受杖以贖罪卽令此婢行杖行之次鄧不禁失笑吳氏大怒謂渠父子私構此局徧懇三黨由是喧傳有杖母之事然其事已三十年不可得而究竟也

十二月在籍禮部左侍郎林鈺順天府尹劉宗周行取到京有旨林鈺着以原官兼東閣大學士入閣辦事劉宗周陞補工部右侍郎

烈皇小識

卷四

四

是年二月流賊犯鳳陽先是總兵尤世威等統兵扼守潼關諸隘口露宿凡十旬皆患疫癘不能軍聞賊大至遂潰賊乃越盧氏超永寧轉陷滎陽攻汜水屠之又破固始復分爲三路一趨鳳陽一趨六合一趨潁毫潁州知州尹夢鰲判官趙士宏率士民固守城破俱闔家殉難遂犯鳳陽鳳陽無城郭賊至官軍無一人敢迎敵者賊焚皇陵樓殿俱燼燔松柏三萬餘株殺守陵內奄六十餘人縱放高牆罪宗百餘人留守朱國